

صاحبی ، مدیری ، محرری :



آبونه بدلی :

سنه لکي ۱۰۰ غروش
آلتی آیلنی ۵۰ »
اوچ آیلنی ۲۵ »

مخمس

۱۳۳۸

اداره خانه سی :
شهزاده باشنده (تعالی اسلام)
جمعیتی مرکز عمومی

مرکز نوژیی :
باب عالی جاده سنده اتحاد
تجارت کتبخانه سی

اسلامک نفعته خادم مقالات
مع الکشکر قبول و درج اولونور

یازانک شخصیتی دکل : یازینک اهییتی
نظر دقته آیلنیر

دینی ، علمی ، ادبی ، اجتماعی و شمیمیلک شهرری
مجموعه اسلامیه در

کلن یازولردن شایان قبول کوردولنلرتاریخ
مراسیله درج اولنور .

عدد : ۴

۱۳۳۹ صفرینه مخصوص نسخه

فی ۷ بوجوق غروش

مندرجات : انبیاء کرام حضراته وحی و انزال اولنان دین اسلامک شرایع و مناهجده اختلافی (اسکابی : محمد عاطف) —
جناب حق ، مؤمنلره نه شرط ایله یاردم ایدر ؟ (قونیلی : ع . عاطف) — صوفیه کرام حضراتنک روح خفته کی تلقیاتی :
مابعد (آقسه کیلی : احمد حمدی) — قرآن کریمی ترجمه مسئله سی (محمد علی عینی) — محفل تاریخی : صفراخیر (طاهر المولوی) —
یوم و انواعی (احمد ضیا) — محفل ادبی : ایکی تاریخ وفات (حفید وحدتی : سعود المولوی) — تاریخ وفات (م . صلاح الدین) —
ع . عاطف افندیکنک برنجی نسخه ده مندرج غزلنه نظیره (علی حیدر) — برقطعه (ع . عاطف الفسز بر منظومه (احمد
رضوی المولوی) — غزل : خسته لق یادکاری (طاهر المولوی) — هم حق بک افندی بی ، هم دارالحکبه بی تبریک — اعلانات
(مناجات حضرت مولانا) عنوانیله منوی شرفدن بالانتخاب طبع ایدلش اولان علاونک موزعلردن ایسته نیلده سی رجا اولنور
اسلام چیغیری : اولیای اطفاله مژده : اسکابی عاطف افندیکنک تألیف ایله یکی بواثر مینی مینی چوجقلره غایت قولایلقه
اسلامیتی اوکره تیر .
مؤلف مومی الیهک [اسلام بولی] ، [اسلام چیغیری] [مرآة الاسلام] نام اثرلریله [علم حال] جه اولان نواقض ا کمال
ایدلش دیمکدر . لایقیله اوقونقی شرطیله بواثرلر چوجقلرک ذهنته روح اسلامیتی افاضه ایدوب حسیات اسلامیه نک تأسس
و تمرکزینی انتاج ایدر . بالخاصه اولیای اطفاله توصیه اولنور .
محل فروختی : حکاکارده کتابچی راشد افندیکنک دکانی ایله باب عالی جاده سنده اتحاد تجارت کتبخانه سیدر .

کنديسنه لایتنه‌ای حرمت و محبت اولديغندن ضیاعندن متولد تاثرات قلبیه‌م الآن بردوام اولدینی کبی الی‌نهایده دوام ایدوب کیده جکدر .

تاریخ آتی بی مرحوم مشارالیه ایچون سویله مشدم :
عم علوی شمار و محترم هم خصال علی عالیجاه
شاهراه وصاله میل ایتدی اولدی ابرارحق ایله همراه
بنی اولجه دلفریبانه ارتحالندن ایلدی آگاه
نفرت ایتشدی بزم فانیدن دارباقی ایدی آکا دلخواه
نه‌حزین ماجری بوکیم چیقمش خانه‌سندن علی‌السحرناگاه
عودتی منتظر ایکن آقشام حیف آنجق کن پیام سیاه
هاتفه جایگاهنی صوردم دیدیلر: محرمان قرب آله
هشت باب‌جنان آچیلدی سعود! قرب حیدرعلی‌یه اولدی پناه
بن‌ده قید ایلدم بوتاریخی : خلده کیتدی علی عطاء اه

۱۳۳۲

مرحوم ارتحالنده الی یدی یاشنده ایدی. قرق سنه کنديسیله تشریک حیات ایلش اولان رفیقہ‌سی، زوجنک افتراقه تحمل ایدمندی . بر بچق آی صکره اوفاق بر خسته‌لق نتیجه‌سنده [زوجہ التحاق ایدیورم] دییه سوینه سوینه وفات ایتدی . شو محبت و فدا کاری‌یه او زمان واقف اولانلر حیرتده قالمشلر ایدی .

رحمهما اه تعالی رحمة واسعة

§

یکدیگرینه بوقدر منجذب و مرتبط اولان بو ایکی رفیق حیات و ممات، اراکک اولارق یکانه محصول عمرلری اولان حلقه‌لی زراعت مکتبی مدیر سابقی احمد مختار بکی چیلدیر رجسونه سوه‌رلر ایدی . مختار، پدر و مادرینک ارتحالنده اوتوز بش یاشلرنده ایدی . صباوتنده پدری مرحوم کنديسنه رصین و پاک بر اعتقاد تلقین و علوم و فنون ابتدائیه و تالیه‌بی تعلیم ایتدیرد کد نصکره ا کمال تحصیل ایچون اوروپایه کوندرمش ایدی . بلجیقاده کائن ژامبلو دارالفنوننده فنون زراعیه‌بی تحصیل و اکمال ایدن

مختار بک ۳۲۰ سنه‌سنده مکمل بر دیپلومه ایله استانبوله کلدی . غایت خلوق و نازک برکنج ایدی . هم جنسنه الندن کلدکجه ایلک ایتکدن بیوک بر حظ دویاردی ، فقط فئالق ایتک الندن هیچ کلزدی . مختلف مأموریتلرده مملکت خلیجه خدمت‌لر ایتدی . پدرینک ارتحالندن صکره درلو انقلابات و تقلبات حیاتییه دوچار اولدی . نهایت ایکی سنه اول متورماً فراش اضطرابه سربلیدی . حد ذاتنده سمین و قوی بر وجود اولقله ورم اولدیغنه اینامق ایسته‌مه‌مشدم . برقاج آی اول بیچاره‌بی کوردیکمده حقیقت نظرمدنه تجسم ایدهرک بک زیاده متاثر و غمناک اولدم . ۲۸ ذی‌الحجه سنه ۱۳۳۸ و ۱۲ ایلول سنه ۱۳۳۶ تاریخه مصادف بازار کونکی اقدام غزته‌سنده زواللی مختارک خبر ارتحالنی اوقودم . ایکی کون اول وفات ایتدیکی کوسترملکده اولدیغندن صوک خدمتی اولسون ایفایه بالطبع موفق اوله‌مدم . کنديسنه قرابت و فوق‌العاده حرمت و مودتم اولقله هم افول ایدیسنه آغلادم ، هم انضای خدمته موفق اوله‌مدیغندن ناشی تاثر و تأسف ایدهرک تاریخ آتی بی نقش صحیفه ماتم ایلدم :

بی امان پنجه قهرنده ورم آفتک

عاقبت اولدی شهید آه زواللی مختار

موت دلسوز غریبانه‌سنی تورینخا

هاتف غیب دیدی « واه زواللی مختار »

۱۳۳۸

رحمه اه تعالی رحمة واسعة

حفید وحدتی : سعود المولوی

تاریخ وفات

اشک چشم طورماسین لیل و نهار اولسون روان

ایله‌سین هر ضربه‌سنده قلب محزونم فغان

عمرینک فصل بهاری اون بشنجی اولمادن

کل‌کپی یاوروم صولوب بر لحظه‌ده اولدی نهان

آلهی ، سر نوشت ملت بیضایی تحدیده
ارادهك اولمادقجه قورقولور نسلك بقاسندن

جهانك آلتی یوز ییل پیشوای اهل توحیدی
اولان عثمانیلر ایستر دهای ملتجاسندن

علی صبر

برقطعه :

پایمال اولدی چمن صولت جیش غم ایله
حفره خا کده بر خون و پریشاندر کل
کوش ایدوب ناله سنی صانما طلبکار وصال
اسکی دور طربه مرثیه خواندر بلبل

ع . ططف

الفسز بر منظومه

نه دن هر خیر سندنذر ، مضرت دیگر نذندر
بتون درد و کدر هر شخصه فعل بدتر نذندر
شریعتسز ، طریقتسز کیدیلز سوی مقصوده
بوسوز بندن دکل ، دیکله حقیقت پیرلر نذندر
دکلی حفظ ملت نشر عدل و حقه پیوسته
بوملکک ضبط وربطی کرچه دیرلر عسکر نذندر
هوس یوق علم و فقه ، مدرسه مسدود ، مکتب یوق
وطنسده هر ترقی علم و فقه مظاهر نذندر
نه علمیه ، نه ملکیه ، نه ده صرف عسکری صنئی
تدنی سرتسر هر زمره نك تن پرور نذندر
فضیلت ، حسن خلق مستوجب فخر و شرفدربس
نه در نوکیسه نك حیثیتی سیم وزر نذندر
محققدر بنم فکر محه (رمزی) بشقه یوقدر یوق
بوملک و ملتسه هر دم مدد پیغمبر نذندر

احمد رمزی المولوی

آغلایمامی طالع ناسازیمك ادبارینه
صدر اقبالم بیقلدی ، اولدی ویران خانمان
ارتحالی اوغلمك آجدی جکرده یارلر
قالمادی کوکلده آرتق ذوق عالیدن نشان
جذب ایدردی حسن حالیه عمومك قلبی
منجلیدی نور عرفان چهره سنده آن با آن
فکریخی ، آمالنی حصر ایله یوب بحریه
ایستیوردی جابجا ایتك بوملکه وقف جان
کیتییور کوزدن خیال تابنا کی روز و شب
ویرتسلی قلبه هر آنده رب مستعان
آه ایدوب یازدم صلاحی فوتنه بوتاریخی
« اولدی جنت میرصدرالدینه مأوی ناکهان »

حربیه نظارتنه منسوب

م . صلاح الدین

ع . ططف افندینك برنجی نسخه ده مندرج

غزلنه نظیره

نه بکلردی هلاک خلقی بدرك انجلاسنندن
نه کردابه طوتلدی باقی فرنکی ابتلاسنندن
وقتسز هر ایشك انجیانی تعقیب ایدر حرمان
بدیپیدر بو حکمت هم حدیثك مقتضاسندن
دکل ساده امکز ، بونمکسز خوان یغمايه
آو شلر مضطربدر شمدی معده امتلاسنندن
سلامت یکلکمك پک نا بجادر بویله بی پروا
کزن ارباب فحشك وضع و طور نا رواسنندن
اولوب زهرايه نوش جهل وعدوان بزم غفلتده
شکر ، قورتلدی آرتق اولمایان عفاك بلاسنندن
کوزوبده تتره شن خلق جهانی بویله بی وایه
بوکا بادی اولانلر تتره سون حقك جزاسندن
آلیر روز کار اکنلر فورطنه وقت حصادنده
دوشر سیل قضایه بی خبردر ماجراسندن
چکوب آلام دهری چاره جوی صحت اولدقجه
طیبی انتخاب ایتك مقدمدر دواسندن
قراعتخانه لرمیخانه اولدی قرب مسجدده
رحیق نکبتك مستانی فیض آلدی هواسندن
ثبات امکانی واری سطح غبرای تزلزلده
کلن سیلاب قهرک دهشت خوف و هراسندن